

LA HISTORIO DI DU MALA MUSI



da
Beatrix Potter

Unesme publisita 1904


Ica tradukuro

Creative Commons 2023 by Brian E. Drake
Attribution-NonCommercial-ShareAlike 4.0 Unported
International

The Oxford Rationalist
56 Albany Street
Oxford, NY 13830 USA
(607) 843-2636
brian.eric.drake@gmail.com

La Historio di du mala mus

da
Beatrix Potter



tradukita da
Brian E. Drake





OLIM esis tre belega pupeo-domo; ol
esis ek reda briki ed havis blanka
fenestri, e kurteni ek reala muslino ed
avana pordo e kameno.



OL APARTENIS a du pupei nomizita
Lucinda e Jane; adminime ol
apartenis a Lucinda, ma el nultempe
komendis repasti.

Jane esis la Koquisto; ma el nultempe
koquis, pro ke la dineo esabis komprata ja
koquita, en buxo plena de spani.

ESIS du reda homardi e shinko, fisho,
“puding”, e piri ed oranji.

Oli ne povas esar prenata de la pladi,
ma oli esis extreme belega.



Ulamatine Lucinda e Jane ekirabis
por veturar en la infant-vetureto
di la pupeo. Nulu esis en la infanteyo, ed
ol esis tre silencoza. Balde audesis pedo-
skrapanta, skrachanta bruiseto en la
angulo proxim la herdo, ube esis truo sub
la muluro.

Tom Polexo ekpulsis sua kapo dum
instanto, e pose itere enpulsis ol.

Tom Polexo esis muso.






POS un minuto, Hunka Munka, ilua
spozino, anke ekpulsis sua kapo; e
vidante ke nulu esas en la infanteyo, el
riskis ekirar adsur la vaxo-telo sub la
antracito-buxo.

LA PUPEO-DOMO situesis ye la altra
latero di la herdo. Tom Polexo ed
Hunka Munka cirkonspekte transiris la
herdo-tapiseto. Li pulsas la avana pordo
—ol ne esis fixigita.






TOM Polexo ed Hunka Munka iris
adsupre e regardetis la dineo-
chambro. Lore li krietis pro joyo!

Tante bela dineo esis pozita sur la
tablo! Yen stana kulieri, e plomba kulteli
e forki, e du pupeo-sidili—omno *tante*
konvenas!

TOM Polexo quik laboris por
distranchar la shinko. Ol esis belege
e brilante flava, rede striizita.

La kultelo krumplis e vundis il; il pozis
sua fingro aden sua boko.

“Ol ne esas sat boliigata; ol esas harda.
Tu probez, Hunka Munka.”





HUNKA Munka rekte staceskis sur sua sidilo, ed hakis la shinko per la altra plomba kultelo. “Ol esas tam harda kam la shinki che la fromaj-vendisto,” dicis Hunka Munka.

L A SHINKO sukusate ruptesis de la
plado, e rulis adsub la tablo.

“Livez ol,” dicis Tom Polexo; “donez
fisho a me, Hunka Munka!”





HUNKA Munka unope probis per
singla stana kuliero; la fisho esis
gluizita a la plado.

Lore Tom Polexo iraceskis. Il pozis la
shinko meze di la pavimento, e frapis ol
per la pincego e per la shovelo—bang,
bang, krak, krak!

La shinko frakasesis, nam sub la
brilanta fardo ol esis ek nulo ecepte
gipso!

LORE la furio e decepto di Tom Polexo ed Hunka Munka trovis nula fino. Li frakasis la “puding”, la homardi, la piri e la oranji. Pro ke la fisho ne esis movebla de la plado, li pozis ol aden la rede varmega, krispa papero-fairo en la koqueyo; ma ol anke ne brulis.





TOM Polexo klimis la koqueyo-
kamenon e regardis tra la supraĵo—
esis nula fuligino.

DUM ke Tom Polexo esis en la kameno, Hunka Munka subisis plusa decepto. El trovis mikrega metala kesteti sur armoro havante la etiketi—Rizo—Kafeo—Saguto—ma pos renversir ol, el trovis en oli nulo ecepte reda e blua globeti.





POSE ta musī komencis facar tam multa malignaji kam posible—precipue Tom Polexo! Il prenis la vesti di Jane ek la tirkestaro en la lito-chambro, ed il jetis oli tra la fenestro di la supra etajo.

Ma Hunka Munka esis sparema. Pos tranir la duimo di la plumi ek la litkuseno, el rimemoris ke el ipsa mankas plumo-lito.

PER la helpo di Tom Polexo el portis
la lit-kuseno adinfre, e trans la
herdo-tapiseto. Klemar la lit-kuseno aden
la muso-truo esis desfacila; ma
ulamaniere li sucesis.





POS TO Hunka Munka retroiris e
queris sidilo, biblioteko, ucelo-kajo,
e plura diversa kozi. La biblioteko e la
ucelo-kajo refuzis enirar la muso-truo.

HUNKA Munka livis oli en la
antracito-buxo, ed iris por querer
bersilo.





HUNKA Munka jus rivenabis kun
plusa sidilo, kande subite audesis
bruiso di parolado exter la chambro sur la
fluro. La musu hastis a sua truo, e la pupei
eniris la infanteyo.

Qua vidajo Jane e Lucinda vidis!


Lucinda sidis sur la renversita koqueyo-furnelo e regardegis; e Jane apogis su an la koqueyo-armoro e ridetis —ma nek l'una nek l'altra parolis un vorto.





LA BIBLIOTEKO e la ucelo-kajo esis
salvata de sub la antracito-buxo—
ma Hunka Munka havis la bersilo, ed ula
vesti di Lucinda.

EL ANKE havis ula utila marmiti e
padeli, e plura altra kozi.





L A PUERINO a qua apartenas la
pupeo-domo dicis, —“Me obtenos
pupeo vestizita kom policisto!”

MA LA nutristino dicis,—“Me
preparos muso-kaptilo!”



YEN la historio di la du Mala Musi,—
ma li ya ne esis tante malicoza, pro
ke Tom Polexo pagis por omno quon il
ruptabis.

Il trovis tordita moneto-peco sub la
herdo-tapiseto; e ye la vespero ante
Kristnasko, il ed Hunka Munka pulsas ol
aden un de la kalzeti di Lucinda e Jane.





ETRE frue omnajorneske—ante ke
irgu vekas—Hunka Munka venas
kun sua shoveleto por balayaji e kun sua
balayilo por balayar la domo di la Pupei!

FINO